

見  
聞  
紀  
訓

見聞紀訓引

夫經傳子史之所記載尚矣其大要無  
非垂鑒戒爲世俾人爲善去惡而已然  
其辭文其旨深其事博以遠自文人學  
士外罕習焉如論孟小學之書里巷小  
生雖嘗授讀率皆口耳佔畢卒無以發  
動其心而俚俗常談一入于耳輒終身  
不忘何則無微弗信近事易感人之怕

情也頃於山居多暇目追憶平生身目  
之所睹記略有關於世教者隨筆直書  
不文不次惟以示吾子若孫覽觀之  
指某事曰是某事也指某人曰是某人  
也近而有徵庶幾有所警動其心而於  
為善去惡也未必無小補云

嘉靖丙寅季冬朔日棟塘八十五翁陳

良謨書于天目山房

見聞紀訓卷上

陳表

後學雲間葉旦新重校

鄧洞雲張翁。甬川文定公。

名邦之父也。公為學

憲時。其廳事僅二楹。上官過訪。頗不便。旁一

楹。廼其叔之居也。適叔有宿逋。願售。公以倍

價買之。將重構焉。告於翁。翁問價幾何。以若

干對。翁知其倍也。甚悅。已忽潛然淚下。公訝

問故。翁嘆曰。嘻。吾想至日。拆彼屋以豎我柱。

使其夫婦何以為情。是以悲耳。公廼惻然曰。

大人寬心。兒當還之。遽抽身取券。翁又止之。  
曰。毋。吾計其銀已隨手償人去矣。將若之何。  
公曰。第併其價不取可也。翁廼欣然曰。若然。  
慰我甚矣。吁。翁之孝友仁慈。載諸傳誌。允哉。  
淳德。此特其遺事一節耳。宜其篤生文定。勲。  
名道德。卓然為一代純臣也。豈偶然哉。此聞。  
屠竹墟公所言。

歸安施相之

名翊之。

佐。

兄弟俱為知州。致仕家。

居。田產參差。有唇齒之隙。親友日為處分不。

能解同邑溪亭嚴公。名素以孝友著聞。事兄如父。周卹保愛。無所不至。是時偶遇翊之於舟中。語及產事。公顰蹙謂曰。吾兄懦。吾正苦之。使得如今兄之力量。可以盡奪吾田。吾復何憂。曰。揮涕不已。翊之廼惻然感悟。遂拉溪亭同至兄宅。且拜且泣。深自悔責。而相之亦涕泣慰解。廼各歆以田相讓。遂友愛終身。人咸稱嚴以誠感。施以誠應。鄉邦美事。至今猶樂談云。

樂清章恭毅公

名

景泰間為儀制郎中。以諫易

儲下獄。事載國史。士大夫類能言之。其孫九

思。字可庵。與余同舉於鄉。偶談及公一事。甚

異。公久被幽囚。虱生於背。苛瘡殊不可耐。思

歆一櫛治之。而苦無其器。一日忽有羣雀在

天牕中。共銜一物墜下。正當公前。取視之。廼

新製一牙邊篦子也。公感荷神貺。得濟所需。

謹珎藏之。至今供家廟中。又一日。大雨漏牀。

哀呼獄卒。移就乾處。剝離一牀之地。磚壁轟

然倒矣。不然，幾被於壓。可見忠臣義士行合神明，故隨其所在而冥冥之中，自為保護。真若。有物以左右之者，故特表而出之。

同年葉肅卿

名應騷，鄭人。

為刑部郎中，以勘獄忤時

宰，謫戍遼東。余服闋赴京，會於蘇。蘇人魏維

翰

名應召。

亦為刑部郎，謫戍還家，來訪余，因同

過肅卿舟，坐中語及郡守李公，曰：「此君之同

年也。今君遠戍，宜有厚贐云云。」肅卿艱然不

悅，曰：「魏君烏得為是言？吾留此，豈有覬邪？既



別還解纜去。李公聞之。疾趨挽留一錢。不肯止。廼遣吏持贐。追至許墅。再三陳懇。悃意第領之。其所贐雖箋餌微物。皆峻卻無一受者。夫肅卿當患難顛沛之時。而不苟如此。其志節可尚也已。

寧波府誌有傳此余所目擊者故著之

前任知州江新原公。

名一麟婺源人

寬仁廉儉。出自性

成。至興廢舉陞。真若家事。雖造作紛逕。民則晏然不知。其諸惠政。更僕不能數也。及瓜。陞刑部員外。以俸銀十兩。令州民趙鐸修座船。

北行。鏐修完。公攜家眷登舟。見繕治堅好。器  
物備具。問所費幾何。鏐以十兩對。不信。密喚  
各色工匠備查。實用過二十兩。廼取銀六兩。  
扇三十把。墨三觔。二物價直四兩有餘。召鏐  
謂曰。爾賠十兩。吾已知之。今以此償爾。鏐不  
敢受。公授之堅。遂勉受之。退其閹正。復語公  
曰。既知十兩。即當償足其數。而別以扇墨酬  
其勞。可也。何靳此邪。公面頸發赤。亟喚鏐至。  
仍補銀四兩。鏐愈不敢受。公怒曰。曩則使我

不如一婦人矣。必不許辭。錫廼受之。吁。即此一事。他可知矣。夫公有楊伯起之天資。而又有樂羊子之內助。宜其持身蒞政。大過於人也。吁。賢哉。

正德癸酉。余與溪亭嚴公。施菁陽邦直。

名會試

北上。邦直之兄邦顯。

名仕

亦以省祭謁選同行。

溪亭公盛德屢空。邦直事之如師。凡舟車飲食之費。悉出自邦直。而邦顯則為料理之一日。邦顯謂余曰。連日視嚴公。飯食減少。何也。

豈敵哉不腆烹調失節邪明日又謂余曰疲  
來思之吾得之矣公平居飯必用羹向無羹  
耳已令庖者具羹矣是日公果毀羹加餐邦  
頤喜曰君視公今日之飯何如幾誤矣又一  
日遣倅回已復閉門伏枕而泣邦直驚問余  
曰吾兄泣何也余入問故廼拭淚告曰無他  
頃作家書囑付少弟偉經紀家事目思弟年  
未及冠正須從師讀書遇節日放假興羣從  
歌笑宴樂其事也今吾侃弟大事不可已者

吾螻蟻異途。顧亦拋家遠出。而以勞事畀之。吾是以悲焉。吾其歸矣。余廼牽裾出。慰解之。廼止。吁。凡人子養親視食多。慮為憂。豈亦可謂孝矣。而邦顯於鄉先生。廼爾其尊賢之誠。何如邪。家事委弟。不為甚苦。而至於泣下。其友愛之。萬何如邪。賢哉若人。可以風薄俗矣。孝豐吳封君南山公之父諱珙。行八。其人謹愿畏法。蓋厚德長者也。一日自外歸。過其別墅。望見栗園中有人正在樹偷栗。廼亟勒馬轉。

迂路三四里抵家。語其故。且曰。設我過而彼見之。必倉皇墜地。非死則重傷矣。今恣其所取。損我能幾何哉。即是一端。其仁厚類可想見。迺今子姓蕃衍。簪纓赫奕。固知其有自來矣。

余素承太宰漁石唐翁所知。比赴闕臬。過蘭溪。特晉謁焉。臨別。翁曰。吾欲造君舟一拜。奈有足瘍。不能步行。當遣兒子汝楫。來。余曰。小子何敢勞翁。但翁官居公廩。無適七旬。天下

大老也。孔子曰。吾從大失之後。不可徒行。翁

學孔子者。而顧欲過之邪。翁曰。固然。第

山先師名懋尚書歸。祗是步行。未嘗乘輶。廼姪朴

菴公名拯侍郎及竹澗潘公名希曾侍郎俱守此禮。吾

其敢違。吁。浙有楓山。猶魯有岱嶽。遺矩歸然。

而諸公皆能率履不越如此。視近時少年。纔

登一第。還鄉。乘軒擁蓋。揚揚過閭里者。果何

如邪。

同年廖梅南名梯翁人為南京戶部正郎。以前官註

部。知吾州。其事甚寬。及蒞任。絕口不言譎  
事。清操凜然。秋毫無取。絕無境外之交。凡百  
禮數。一切減省。衙內日逐鹽醬蔬腐之類。悉  
自買辦。里役公費。比昔減十倍不止。憂民之  
憂。真若恫瘝廼身。員下柴薪。或以貧乏告。輒  
蠲之。聽訟平心。易氣。必使盡言。有罪多從末  
減。片紙不罰。三年。量移寧國府同知。既去。衆  
欲立碑建祠。用識去思。公聞之。移書與余。辭  
極懇切。余體其誠。徧諭鄉人。廼止。而心祠口



碑至今未泯云。後陞鎮遠府知府。以母老乞  
歸。攻苦食淡。人所弗堪。余為閩臬副使。行縣  
至莆。謁其廬。四壁蕭然。坐久。出菜四器。梔子  
四枚。白酒一壺。以飲余。意恬如也。余對府縣  
官。為之播揚清德。意令少有所助。翌日。詣余。  
正色言曰。兄知我者。顧安用。是憐我為。諸所  
餽遺。悉卻不受。吁。若梅南子清修苦節。終始  
不渝。即方之吳處默。陳師道。何忝。余寤寐思  
服。願為執鞭。而或者以才短少之。陋哉。俗見

也。夫士之守官猶婦人之守身。苟大節一虧。萬事瓦裂。即其他種種才美。曷足以贖其失身之羞哉。奈何世道陵夷。公論不行於天下。廉者責備其無才。而佞者不問其所守。勸懲倒置。賢否混淆。往往而是。嗚呼。尚可言哉。遞鋪市賈黃臻。休寧人。為人質直。謹愿。較諸賈中。不甚計利。好行善事。以救濟人。見惡人。輒搖手縮頸避之。僅一子。尚穉。攜之以隨。余愛其長者。與之往來。嘉靖戊子八月。高塢石馬。

諸山水驟溢。人畜溺死者無算。余時臥病家。居水出几榻上。幾殆。亟乘桴登業。師張先生樓得免。望遞鋪廛舍如木葉下。須臾一人乘船過樓下。呼曰。黃臻父子俱溺死矣。張先生不任歎息。余獨弗之信。曰。斯人也。萬無父子俱死理。張先生曰。迂哉子也。顏夭。跖壽。幾何可言。天道哉。余曰。雖然。論理之常。父子決存其一。須臾又一人報曰。臻尚在其子死矣。余曰。是或有之。須臾又一報者曰。臻死矣。其子

在。余曰。是或有之。詰旦。臻攜其子來。自言抱  
竹漂三十里。冒一大樹根。遂捫樹上。其子騎  
一梁木。出沒凶濤中。逢舟人援以入舟。是以  
父子俱無恙。余廼咲曰。信哉吾言乎。張先生  
默然良久曰。設使盆成括不死。孟子之言猶  
信也。

東門顏六。一鄉皆稱為善人善人云。年六十。無  
子。隣有范醫官者。亦君子人也。嘗遭疾。就醫  
於杭。倂至自家。問以鄉里事。倂曰。對門顏六

死矣。范公大駭。迺詬詈侂以為誤傳。侂曰。儂來時聞其家有哭聲。其族人洶洶東西走。為覓成木。非死而何。范公曰。此善人。且未有子。可死之邪。即死。當復甦。侂竊笑之。數日。范公疾已而歸。舟逢鄉人。問曰。顏六無恙否。鄉人曰。某日既死矣。其家沐浴就殯。撫其脅微溫。聞其口鼻中斯斯有聲。輒以湯灌之。漸甦。今能食糜矣。范公迺自神其見。迺造顏六。唁之曰。丈勿憂。天必不絕爾也。後果生一子。六歲。

年六十七而終。余得之范藻軒先生云。醫官先生父也。此事與余料黃臻事頗相類。故併記之。以見天道之可恃如此。

余先姑夫郎公。

名

狷介峭直。殆所謂獨行士也。

不肄文業。而好閱史鑑。遇忠孝節義。欣欣動

色。擊几朗誦。至姦回邪佞。則憤惋頻呻。若身

被其害者。一日忽袒臂捶脅。遶屋走且罵曰。

惱殺我。惱殺我。舉家莫知所以。移時氣漸平。

家姑氏問怒何也。曰。頃讀秦檜殺岳飛事。故

不禁憤氣填膺耳。最重然諾。一出口。必踐不  
爽。性不飲酒。或過親友家。將具雞黍留之。如  
已飯。輒止之曰。吾飽不能更饗。果有意。某日  
當復來。主人以為託辭。屆期。果不速自至矣。  
歲時節序。卜日宴客。必特設單。請一人。有兩  
客。明日又設。又請。決不以昨日餘散復出也。  
於他家亦然。若獨請公。廼赴。有雜賓焉。拒之  
矣。遇斯文人。折行輩致禮。見僧道。則疾之如  
讐。尤不信淫祀。家祭外。惟臘月祭竈而已。但

待鄉人。傷於分別。如坐有三人。親疎一也。而  
人品有三等。則當面以三等禮待之。所以與  
人多忤耳。市井無籍。至夏買藥。藥魚。藥名雷  
公藤。搗汁傾上流。二三十里魚鼈鰕蛤大小  
盡死。公每年出銀三兩買藤焚之。曰。吾力不  
能禁人。只焚此。亦可少免數百千命耳。吁。此  
又公愛物之仁。不但猶介獨行已也。今吾鄉  
環視一二百里。苟有若人焉。吾當一颺一肅容  
拜之。



程瓊。休寧人。寓州北門外。開舖賣飯。宿客。畜馬。驛送行。然其人雖居市井。而輕利重義。有歸安宗定者。攜銀百兩。來州買絲。絲未出。復歸。飯於程舖。就雇其馬下梅溪。置銀於布囊。縛之鞍後。至中途墜地。不覺也。跟馬僮拾之。匿於路旁竹園內。宗至梅溪。解囊不見。初不意僮也。廼馳回程舖查訪。且榜諸途曰。得銀者願平分。程視僮面色可疑。遂密誘之。得實。亟押僮至其所。取銀還之。宗以其半為謝。堅辭。

不受。減至二十兩。亦不受。然程之拾遺而還。  
非止一次。此其多者耳。嗚呼。今之人。競刀錐  
之利。至忍心害理而弗顧。况百金哉。昔柳子  
作吏。商議官之賄者。即商也。廼斯人者。商也。  
而所為若是。恐為士者或不及也。吾將目之。  
曰。商士可乎。

鉛干。朱氏名。冠降其家。有形聲。能作詩。與其館  
賓。范生常講毛詩論孟子史之來。一一可聽。  
人問吉凶事。大書以示。凡文公至。必贈以詩。

如此者將一年。其事甚異。多不能盡述。時嘉靖改元也。余服闋。當謁選京師。有事至鉛干莊。朱氏來邀。余過焉。入門。見絰四幅。俱草書古詩。墨跡猶未乾。廼鬼書也。少頃。宴余後堂。范生謂余曰。先生來辱。裨必有詩奉贈。余但唯唯。平時凡有詩贈人。其家先具絰筆墨硯於几。闔戶。聞擊几聲。廼入取詩。余宴既久。寂不聞有聲。朱氏恠焉。廼排戶入。則見其碎硯裂絰。壞筆墨。几上書數字云。今以後。不復書。

矣。余笑曰：神其棄余邪？自是鬼不復來。錢煥  
卿問曰：生聞鬼祟之家必敗。以先生所見，朱  
氏何如？余曰：未也。吾見其兄弟雍睦，減獲用  
命。時母有小恙，長子陪我坐，諸子迭入問疾。  
必掩口復其兄於耳。以余觀之，無敗徵。今經  
二十年矣。家道如故。子為生員，駸駸有向進  
之勢。曩所料者，果為不謬。余每見鄉中父子  
兄弟相忤逆者，無不凋敝。而孝敬雍睦之家，  
必昌。蓋和氣召祥，乖氣致異，自然之應也。

同年建德王本立。

名建。

嘗語余曰。渠為諸生時。提

學歲考之後。適有分守某叅政行縣。諸生謁  
見間。言及考事。惟問案首姓名。幫補進學人  
數而止。餘不問焉。越數日。分巡某僉事繼至。  
亦對諸生言及考事。惟問黜退停降撲責人  
數而止。餘不問焉。諸生廼私相論曰。二公發  
問相反如此。吾屬識之。且觀二公去後。祿位  
何如。廼後分守公官至戶部侍郎。子相繼登  
第。僉事公陞陝西副使。遇安化王作亂。腰斬。

之。吁。豈謂一問遂能致禍福哉。蓋言者心之聲。而行之表也。存心仁厚。則一言一行。動依於厚焉。存心刻薄。則一言一行。動依於薄焉。君子以厚德載物。彼殘忍刻薄之人。豈享福祿之器哉。

正德三年。州大旱。各鄉顆粒無收。獨吾村賴堰水。大稔。州官槩申災。得蠲租。明年又大水。各鄉田禾滄沒殆盡。而吾村頗高昇。又獨稔。州官又槩申災。租又得免。且率貢各鄉所鬻產。

及器皿諸物。價廉獲利三倍。於是大家小戶。狼戾胥越。戲劇宴飲。無日不爾。意揚揚。以為樂也。余廼謂家叔兄曰。吾村當有奇禍。家叔兄問何也。余曰。無福消受耳。吾家與都興張。根基稍厚。猶或小可。彼俞費。芮李四小姓。恐不免也。家叔兄殊不以為然。未幾。村大疫。四家男婦死無孑遺。惟費氏僅存五六丁耳。至此。家叔兄稍動念。問吾三家畢竟何如。余曰。雖無彼四家之甚。損耗恐終有之。越一年。

果陸續俱罹回祿。嗟。余為此言。豈無稽哉。大  
抵冒越之利。鬼神所忌。而禍福倚伏。亦乘除  
之數。况又暴殄天物邪家叔兄。迺又問曰。然  
則世間大富大貴之家。彼獨永享安樂。何歟。  
余曰。渠根基深。福氣厚。勝受得起故耳。雖然。  
深淺厚薄。久近目之。亦須人事善加培植。迺  
可。不然。自撥其根。而歟其基焉。將暗漸銷鑠。  
百年之後。能保常如今日乎哉。

正德庚午。余遊學廣德。忽本庠張掌教

名孟敬  
閩人



使人呼回。謂余曰。歸安武大尹。

名尚文。江人。

蔡

虛齋高第。今科必入簾。吾介爾往拜其門。以

文字結知。師友之情。人孰無之。場中當必留

意。余唯而出。私念。窮通得失。有命在天。進不

以正。識者所鄙。遂托辭不往。而是歲僥倖中

式。廼恰由武公所取。加溢美焉。當時設從張

師之言。則彼此無以自明。終身含媿多矣。可

見人之出處。預定真不須分外求謀。徒壞心

術也。

正德甲戌余下第歸與韋南蒼

名商

同舟至寶

應湖風浪甚惡余戒舟子勿渡南蒼強欲行  
余持之堅迺作詩以膽小見誚俄隣舟徽友  
四人解維而行南蒼指之曰彼獨非人邪遂  
促使必行舟子不得已方整理篙楫顧視前  
船開未一箭地忽一浪撲沒不見蹤影矣於  
是南蒼搥胸咋舌余亦愕然曰膽大者當何  
如哉此亦可為冒險躁進者之戒

初余以都水主事提督徂徠泉代者今冢宰墨

泉吳公。名過余言別。問曰。兄何以教我。余曰。然。吾將告之。廼具一小冊。題曰交新忠告條。于左曰。某事吾所經畫。頗當。君宜仍之。某事宜於前。而今有弊。吾欲改。未改。君宜易之。某人可用。君用之。勿疑。某人不可用。吾欲黜。未黜。君宜黜之。凡十餘條。墨泉公初至。按冊試一二。衆以為宜。廼遂悉措諸行。人翕然稱善。墨泉公才賢人也。而又參以吾言。宜其善矣。自是遂為相知焉。餘姬楊二檀。名撫亦以都水。

管理濟寧以南開河。代者廣東李汝司。名邦直

二檀亦告之。如余所以告墨泉者。汝司唯唯。

而心銜之。對人曰。二檀聖人鄉。三代相承。猶

有損益。渠必欲吾一一遵之。何邪。後為考功

郎。竟索廢去其官。夫余與二檀之忠告。一也。

一為相知。一成仇隙。何相懸若是。亦係夫人

之所遇。幸不幸耳。而二公之所存。固可知矣。

龍西溪。余憲名。語我曰。往年在京師。其同年友

某行人。一日過西溪邸。謀曰。吾欲註門籍。幾

日何如。凡京官俱書名簿上置長安門謂之

門之註西溪問故。答曰。近有湖廣差。我將避之。

耳。西溪曰。何哉。湖廣非險遠。况尊翁在堂。便

道一省覲。豈不善。廼欲避邪。行人曰。實不然。

吾聞吏部將選科道。若承此差。恐不得與選。

吾且避之。則楊子山當行。子山名因更西溪

曰。若為此。吾不敢阻君。行人竟稱病註門籍。

不意纔數日。吏部遽開選。某行人勢不可即

出。楊因應選。遂得吏科給事中。某行人徒撫

膺懷恨而已。可見為謀不減。適以自敗。反以成他人之功。良可哂也已。

杭州朱朝宗

名京

攻舉子業有聲。陸水村公為浙

憲副。延以訓子。最知重之。後朝宗中正德癸

酉鄉試。

累弗利於春官。家且貧。廼乞就學職。

時陸公為冢宰。唱名至朝宗。訝曰。子何就是

邪。朝宗具告不獲已之故。公歎息良久。復告

左右二鄉。咸贊譽焉。既出。同選友咸賀之曰。

君受知冢宰。官雖不能上下。獨不得一善地。

乎。及榜出，善地皆他人得之。而朝宗者，廼北地最僻陋縣也。衆莫測所歸。時金美之名璠，杭州人方館於陸公之第。一日，共餐，公問曰：「朱朝宗選官何所？」美之以某縣對。公投筯歎曰：「是余之過也。我初實欲語郎中，擢一善地與之，竟忘之耳。子其寓書於朝宗，我將處之。」意謂更調也。無何，陸公坐宸濠事謫戍，朝宗竟卒於官。嗚呼！既為冢宰所知，而不能得一學官善地，豈非命邪？先正有曰：「雖宰相豈能陶鑄得。」

我信哉

正德間有熊州判名無意及民民亦忘之後其

子北原公為冢宰州人丘某以例貢將謁選

乃獨為州判公立去思碑求文勒石摹搨裝

潢悉自營辦所費頗多寔欲以是媚冢宰公

云及抵京一疾遽卒而此碑為長物矣適同

鄉有施某者亦候選在京亟以微價從丘之

從者購得之遂持以獻焉未幾北原公以事

去代者至始就選乃得雲南安寧州吏目竟



流落罷歸。夫為其父立不朽之名。為之子者。孰不喜之。即千金。當不過此。立之為計。亦甚巧矣。詎料年之弗延。乃為他人所有。施生不勞不費。坐得奇貨。自以為莫大之幸。美選可唾手得也。而竟亦止此。噫。命也。奈何。語有之。曰。落得做君子。枉了做小人。有味哉言乎。寧波郡庠生王錄。臨貢。其次為李循模。李素乏行檢。而多智術。乃百計攘得之。王樸實人。不較也。李入京就選。徧干鄉貴。夤緣得入首相。

嚴公之門。久而親暱。遂求順天府學司訓公。  
為諭意。銓曹許之。於是揚揚自得。未掛榜前。  
忽縱步入順天府學。登其堂。窺其衙。徘徊良  
久。齋夫輩異其舉止。呵之。遂大聲詈曰。吾不  
數日。當坐於此。鼠輩敢無狀邪。齋夫輩乃羣  
譁於吏部前。語聞。文選大駭。亟易以廣西一  
小縣學。李快快去。未幾。身及一子一僕俱死  
於彼。明年王應貢就選。乃恰得順天府學訓  
導云。嗟夫。設使當時李被人訐而中吏。王選

他所而遠任。亦無足為異。今多智者無上事。而自貽伊戚。樸實者無心中。適得擠我者所謀之善地。豈非鬼神故示與奪之意。以彰善惡之報哉。吁。可畏也已。此聞之鄆邑士友云。歸安省祭孫邦華。謁選北上。有姐夫某者。亦以省祭當選。挈子與華偕行。比就選。某乃得太原府倉官。而華以選期未及。束裝將歸。不意其姐夫忽暴卒。華黥人也。私語其甥曰。爾父一生辛勤已矣。顧文憑見在。盍使我冒為之。

小官異省。誰人覺察。爾可權厝爾父。隨我以往。凡有所得。誓必均分。任滿再考。則以爾父作選。而我自可另選矣。如此。豈不兩利不愈於子然空手歸乎。其甥從之。展轉間。幸不敗露。華甚以為得計。後脫身入京。乃自投文聽選。及榜出。則恰補其姐夫之缺。而勢不可復往矣。遂涕泣棄歸。向使不為僥倖之計。則太原倉官。依然自在。且可獨專其利。不必分。而有以予人也。小人巧於為謀。而造物者更巧。

於制命。任爾千方百計。總不出其範圍。華雖黠也。夫何為哉。此郡人王承祖說。

正德己卯。余病起。謁選北上。至灤縣王家渡。未晚而泊。同泊數舟。皆同輩也。會坐間。俄舟人與土人毆。梓至。乃余家僮馬。訊之家僮。曲遂薄責之。諭遣土人去。坐中同年某者。新喻人。遽嚇然怒罵曰。咄。爾何人。敢集多人。上我官舟。行劫。反誣我舟人毆邪。縛之。復召土人之役於官者。併撻之。令上誣狀。其人叩首哀乞。

移時乃叱去。諸在坐者咸嘖嘖稱其才。而某亦自揚揚有矜色。語余曰。兄何迂哉。今之為官者。智略耳。人心天理四字用不着矣。請姑置之。余撫然不答。後其人除紹興府推官。果置此四字不用。尚詞具造。惟恣其胸臆煅煉羅織。含冤者不可勝算。而上官則往往嘉獎焉。蓋儗巧斂給。自能快人意也。後陞刑部主事。余適與之同僚。旁觀其所為。仍如紹興而加甚焉。後竟以考察謫佐沔陽。無何疽發背。

洞胸而死。無子。其身後事。問其鄉士夫咸顰  
蹙不忍言也。吁。人心天理四字。殆不可置哉。  
余昔參楚藩。以分守行縣至公安縣。有白教諭  
忘其儀觀修整。獨鼻梁間橫黑一縷如墨畫  
者然。蓋晦色也。教諭會試入京。有太和山田  
道姑來縣募緣。聞其妻素好善。遂造其術求  
布施。乃捨銀一兩。以教諭出名題疏。仍與紵  
絲一丈。繡旂甫去。而同僚之妻過訪。言及乃  
駭然曰。此疏簿正本。道上司出給者。見之將

謂儒官乃與道姑來往。為累不小。奈何。自妻  
急令人追尋。不獲。遂信以為其夫之官自此  
休矣。日夕怏怏於心。比教諭下第四。取此婦  
緣裁衣。却又剪動。妻益不自安。遂自經死。余  
適聞之。以問知縣。具道其詳。且盛贊譽焉。後  
撫院林二山公名大輅會議賢否冊。對余曰。  
明年湖廣去一官。必公安白教諭也。此狗彘  
罪。不容誅。余訝問故。公曰。此人姦學吏之妻。  
其妻有言。遂勒令縊死。余乃述所聞告之。公



沉吟間。余曰。不審前言。得之何等。人果君子也。庸或可聽。苟非其人。請更訪之。公乃幡然擊几曰。是矣。是矣。即奮筆抹去其名。筆所註考語。後自陞國子助教。余轉官閩臬。見三司公於莆。公指鄰家謂余曰。此吳姓者。向為公安訓導。謗白教諭者是也。平素心術不臧。吾故曰。君言頓悟。渠後陞萍鄉教諭。乃亦為同僚所譖。罷歸。過鄱陽湖。舟覆。僅以身免。今且無聊矣。吁。昔自謗人。今被人謗。天道好還。不

信然哉。而聽言者尤當先察其所言之人。

南京一富翁王冠。頑鄙狠戾。習房中修煉之術。徧招方士。拜為父師。配以妻室。自置婢妾十餘人。恣意淫毒。俟有娠。將產。輒以藥攻之。狹一下。即提入臼中。和藥杵爛為丸。或購別家初生幼孩烹之。其慘酷所不忍言。事族屬刑部郎中溪亭嚴公鞠問。比擬採生折割凌遲處死。乃今噍類不遺。而家其墟矣。咄咄泉甕殺人以求生。國法天刑。其能逃乎。

余提督太和山時。有鄖陽鍾都司者。酷信方術。常服道士韓衍山藥。其方以男女初至壬癸水和藥為丸。或曰灌之鼻中。久之覺頭重眼瞢。瞢瞢常見白衣人。道士曰。此藥行也。未幾眼珠雙落。凡上九竅出血。暴卒。同年儲谷泉與余言。而鍾實富冠一郡云。夫拒富方士家。非貴。即富。富貴之人。何欲不遂。所慮者惟壽耳。故此輩。得以長生不死之說中焉。然長生不死。回天奪命。豈尋常伎倆可辦。故必要以世

間所罕見之事。與夫世間所難致之物。庶可  
聳動其聽。且信。而目得為久住之計。衣其衣。  
食其食。用其財。及其久也。卒無效焉。宵遁焉。  
耳矣。又有繼之來者曰。彼未得其精。非吾比  
也。所以前車既覆。後復蹈之。往往而是。吁。可  
哀也已。更有一般。專以燒煉求富者。此又至  
貪極愚之人。不足論矣。

見聞紀訓卷下

後學雲間葉日新重校

前輩樊知縣

名毅

王司訓

名輔

余少時奉二公言論

樊公嘗曰吾自鄒平歸檢校囊貲白金僅五

千耳黃金彩繒不及一千王公亦嘗曰勿謂

學官貧吾在沛縣所積俸貲并諸生餽遺亦

有六、百、金而歸觀樊之意似以六、千、為、少、而

王以六、百、為、多、矣樊三子兄弟不相能各求

異居公所得六千金買田築室悉以與三子

三子乃復疑其父有遺藏。輒恚怨不顧其養。公乃獨取田數畝。園居一所。自衣食焉。未穀而糶。未絲而賣。應門無五尺之童。客至一老婢供茶而已。余恒見公戚戚焉愁。比其卒也。蓋不能成禮。今其諸孫皆已零替不振矣。王四子伯業。醫仲掾。藩司叔季。讀書為生員。異食而同處。養其父甚懽。公之暮年。悠悠自適。惟灌花種竹為樂。客至未嘗不留飲。飲必盡懽乃已。余恒見公無一日不開口笑也。今其

叔季二子一掌教邵武。令來安。諸孫為生員。家聲益駿。駿未艾。夫樊之財十倍於王。而王之受用。祇十倍於樊。二公子孫賢不肖相去。又不啻十倍。然則居官黷貨謀牙。且不能終。况為子孫謀乎。蓋若竄求易足。而又留其餘以遺夫後之人乎。吁。亦可鑒矣。

前輩歲貢龐天瑞。名麟。輕佻狡偽。靡所不為。二子又皆濟惡不才。比謁選。乃得廣東感恩知縣。父子志驕氣盈。益不自持。瀕行。率二子拜辭。

州守陽陳公既退公謂左右曰。是父是子。行既不臧。貌復委瑣。非享福器也。薄歟而早歸。猶或可耳。不然。將不克終。及蒞任。乃恣意貪饕。踰年。先以所得遣長子持歸。至中途暴卒。其囊橐悉為一僕席捲進去。再踰年。麟及次子俱死焉。吁。小船重載。而又加以悖入之債。歆免傾覆。難矣。陳公信知言哉。

余友歸安仰思忠名質直閩。爽精堪輿家術。閩故方伯何公。先為湖州太守。其壻六合尹林



克正知思忠乃延之入閭為方伯公禪葬地

而其姻某氏亦欲葬父

父前知縣

因送過其家連

日探幽涉險得一地甚佳方點穴問雨驟至

遂下山約天晴再往是夜思忠夢一老者問

曰今日之地佳乎曰佳曰此地切勿與之此

人為考官賣三舉子當有陰禍若葬此地法

當榮其子孫非天意矣遂覺明日思忠自問

克正曰昨太尹公先為何官其宦業何如曰

先為某縣教諭轉此官不久遽卒他無所短

長。但聞為考官時。通關節。得賄甚多。鄉評以是少之。思忠惕然。內簷遂託故辭歸。越二三年。遇其鄉人。問某大尹。葬何所。其人曰。曰與勢家爭墳地。致死人命。官司牽纏。至今未葬。家業亦且凋落矣。思忠每與余道此。相對歎異。人之素行不可玷。福地不易得。而冥報之說。不可不信。

荊州府推官魏釗。廣東人。嘗往夷陵州檢屍。道經某鎮。有鄉官徐少卿。名宗者。素奉梓潼神。

極靈。忽夢神告曰。明晚本府魏推官過此。其人前程遠大。後當入銓曹。可預結納之。應得其力。明日偵之。果然。少卿乃具衣冠謁。款甚勤。曰。留宿焉。執手鄭重而別。魏去夷陵不數日。少卿復夢神告曰。可恠魏推官此去受賄四百金。故出人罪。使死者含冤之極。上帝已盡削其應有爵秩。并年壽亦不永矣。惜哉。少卿深用嘆訝。試遣人往夷陵踪跡之。果不誣。未幾魏丁母憂歸。復補濟南。尋陞戶部主事。

纔一年。遽卒于京邸。家亦凋落云。此長兒在  
國學。聞同舍生彭汝清道其詳。彭館於徐歸  
親聞是事為余言如此。殊可為貪賄鬻獄者之戒。語有  
之曰。暗室虧心。神目如電。吁。可畏哉。

溧陽狄某。

忘其名

任雲南定遠知縣。縣有富翁死。

而其妻掌家。所遺數萬金。盡匿不與其叔。叔  
告縣。使人密囑曰。追得若干。願與中分。狄信  
之。拘其嫂到官。酷刑拷訊。至以鐵釘釘足。滾  
湯澆乳。於是悉出所有四萬金。狄果得二萬。

焉。其婦賁恨而死。後狄嚴歸。一日晝寢。忽見前婦手持一小團魚。掛於牀上。倏然不見。乃大驚異。未幾遍身生疽。如團魚狀。以手按之首足俱動。痛徹骨髓。晝夜號呼。踰年而死。凡五子七孫。俱生此團魚疽。相繼死。止一孫僅免。今亦無置錐之地矣。館賓餘姬沈少霖。前年館於其族孫生員斯道家。得聞其詳。茲與談及冥報之事。口語如此。嗟哉狄明府。徒知多財之快意。豈知種禍之深。一至此極哉。

梅溪一富翁最貪而吝之極。銀幣錢穀日益充積。余每對錢煥卿曰。此人當有奇禍。問曰。何也。曰。財積不散。又無一善狀。欲無殃得乎。過二三年。余又曰。此人禍且至矣。錢又問何也。曰。曩惟貪吝可鄙而已。近聞漸驕橫。非速禍哉。未幾。為賊刺殺之。

洞庭山消夏灣蔣舉人

名忘其

屢試春官不第。遂

棄去。效壘斷之徒而尤之。雞鳴而起。至日之夕。執籌數緡。孳孳惟貨賄是急。居積取盈。算

入骨髓。周賙義事。雖至親不拔一毛。不數年。稱高貲矣。錢神作祟。盜斯劫之。鞭撻炮烙。慘於官刑。申而入。漏盡而出。罄其所有。席卷之一空。盜害過望。於是縛牲載酒。即以蔣氏之物。賽愿於小雷山神。山在潮中。斷岸數十里。絕無民居。惟荒祠一區。羣盜乃泊舟其下。悉登祭焉。祭畢。酣飲大醉。自恃邏兵莫能蹤跡我也。不虞舟師截纜以去。揚帆振舵。飄然長往。盜醒。覓舟不見。無如之何。凡賈舶經過。知

為盜也。戒弗敢近。時值嚴冬。凍餒之劇。駢首就斃。無一存者。此余得之陳曼年所云。夫蔣之積財諒盜盜之祈福得禍。舟人偃然而有之。亦不知其何所終也。螳螂捕蟬。雀併啄之。雖未下咽。而彈歇及矣。義外之利。意外之變。相尋於無窮。嗚呼。豈非嗜利者之明鑒哉。

遂昌士人劉令峰言其近處村中有三人同行。前臨一渡。值溪水驟漲。而舟在彼岸。中一人素愚蠢。二人乃誘使脫衣。汨過取舟。其人出



沒湍流中。幾至滅頂。僅而獲濟。乃復竭力撐  
舟來渡二人。二人登舟。剗欲撐開。愚者忽肚  
疼。欲泄不可禁。亟跳而登岸。二人遽揮手曰。  
日已暮。吾不能候汝矣。遂撐去。俄而水急。舟  
橫。拉岸一觸。俱覆溺焉。而愚者固在岸。自若  
也。夫目其愚而擠之於危。以自利。即此一念。  
不仁甚矣。其覆溺也。宜哉。

長興有鄉民王某者。素狡而橫。武斷鄉曲。每設  
計買人田產。既成券。僅償半價。放債則措其

原契既還復索。習以為常。人畏其橫。莫敢與爭。惟飲恨而已。亡何暴卒。隣家偶生一牛。主人視之。忽作人言曰。某老官。我即隣人王某也。陰司以我設心不善。且嘗負爾田價。故罰為牛以償之。今煩召我子來。令渠措處奉還耳。主人大驚。亟往呼其子。子亦兇暴。掉臂入門。高聲問牛在何處。主人指示之。乃問曰。爾能言邪。牛臥不應。又問。又不應。乃捽其人毆之。曰。汝敢詈我父為牛。誑言若此。正爭鬭間。

牛乃奮起呼其子名訶之曰爾尚毆人邪吾  
爾父也適爾入門乃問牛在何處吾憤且羞  
故不應耳尚毆人邪曰歷述某產付價未足  
還談若干某債原契未還今在何篋須一一  
為我清楚以脫我罪言訖即踣地而死其子  
曰贖回瘞之事遂徧傳鄉里間余少時聞之  
甚詳今忘其名特欲謦夫愚民之貪且橫者  
故不嫌於誌恠也

余為弟子員本齋陳先生

名邵武人嘗與余言

提學案臨考試之日。府衛官俱伺候於憲司  
前。白日忽暝。雷震。二指揮於衆官列坐之外。  
一擊死。其右足及脛。以至於股。劈碎無完膚。  
一甦。遂成癰疾。已乃訪其故。其死者。毆母。此  
日乘醉。踢其母。母合手籲天。詛焉。其甦者。亦  
嘗詈母。特不毆耳。乃弘治末年事也。頃閱近  
峰聞略。亦載是事。而少異。疑本一事。傳聞紀  
述。偶異同耳。

芝里朱某者。平生最惡蜂。竅梁柱間。每見蜂從

竅入。輒以物塞之。雖在高處。必設梯以塞。在  
他人家見之。亦然。後連生二子。輟道皆塞。而  
不通。人教以秤尾燒紅鑽之。俱死。嗣竟絕。乃  
問於紫姑神。神降筆告以塞蜂竅之故。此聞  
之外。祖東睦公云。蓋天道好生。朱某者。心心  
念念。必欲蜂之盡死。是逆天矣。能無報乎。然  
則蟲豸之微。天亦若是介意邪。曰。然。觀之放  
龜渡蟻。皆有福報。可知矣。雖然。易曰。方以類  
聚。物以羣分。吉凶生矣。言與吉為類。惡與凶

為類。故作善而吉自應之。作惡而凶自應之。  
如水之流濕。火之就燥。各以類應也。豈天一  
一稱量以揆之邪。吁。然則天只在吾心。其嚴  
乎。

同學郎士英

名

劉鳴遠

名

二人過鉛

于廟

就籬

傍溺見麤紙

一團棄地上

郎戲以溺餘

漑漑

之。已乃坐於廟門

少頃。一丐者過

亟以所柱

杖戳所見

麤皮郎問戳何也

丐者曰。有小蛇

蟠此。故戳之耳

郎心疑之曰

吾所見者麤紙

初無蛇也。豈蛇藏絛下邪。又少頃。見一少年騎馬過。輒勒馬下。俯地若有所拾。置袖中。郎趨問曰。君取何物也。少年曰。誰遺一荷包耳。目出視之。乃舊紵絲荷包。一面有溺點猶濕。又有戳痕五六處。其中止銀一塊。僅五六分耳。郎具以告。二人乃相顧嘆異。夫此一物也。郎劉見為麤絛。丐者見為蛇。騎馬者為荷包。可見一錢寸帛。不可妄得。此余聞諸士英。亦同年諸揚伯。語我曰。嘉興有一賈人。積銀數

百兩貯以磁甕。以金釵二股置其上。瘞地中。乃出費於外。不虞為其子窺見之。竊發其瘞。視甕中。惟清水一泓耳。以手攪探之。無物。遂封蓋如故。比其父歸。發甕取金。覆其數不減。而次置攪亂。問其妻曰。吾瘞金。誰曾發邪。吾所置金釵在上。今顧在下。何邪。後其子稍自言其故。衆相駭歎。以父之財。子猶不得而有之。況可非分覲邪。

朱筆峰

名

崑山人。與余同官閩臬。嘗言其家塾



師之父楊姓者一日坐於門見一婦人過墜  
一銀簪於街石上鏗然有聲伺其去遠就其  
所視之不見止見一蚯蚓在石罅間踟躕良  
久俄一男子過其所徑俯拾之楊老乃高聲  
曰此吾所墜簪也其人知其偽徑去楊老隨  
而牽其衣不釋其人乃取銀二分以一買魚  
一尾以一付之曰老者休纏將此銀沽酒煮  
魚作一夜消可也楊老乃歸置魚釜上買酒  
一壺今其媳煮魚煖酒間忽隣貓突跳釜上

媼以杖撲貓。貓竟銜魚去。因覆其酒。而併盛  
魚器碎焉。人皆憐而笑之。夫楊老蒼化為鯽。  
似可悟矣。而猶強索之。其能食乎。吁。嗟乎。貪  
夫哉。吁。嗟乎。薄命之人哉。

湖州儀鳳橋宣氏三兄弟。家微。無名字。人只以  
宣大宣二宣三呼之。宣大稍朴實。二弟則儼  
劣。貧甚。其所居地。價不值十金。鄰有倪知縣  
作宦歸。賸欲展招堂室。乃以百金買之。三人  
均分焉。宣大買田務農。僅僅溫飽。宣二糴苴

過太湖舟覆死焉。宣三則喪心發狂。持刀殺  
人。舉火燒閭閻。衆以鐵鍊鎖橋柱上。其妻福  
謁神祠。禳禱復請巫師來家。宰牲遣祟。破費  
狼籍。視牀頭所得地價。無一分矣。而橋上之  
人豁然復常。人問之曰。吾不知也。

鄒定四。余母黨親也。掘地得埋藏銀甚多。於是  
儘力營造。輪奐一新。將完。木匠偶與其子戲  
墜地死。訟於官。官知其得藏債也。重索之。殆  
盡。訟始息。而新舊房屋。回祿。又一夕燬之矣。

蘇東坡曰。無故而得千金。不有大福。必有大禍。今以宣鄒二事觀之。則薄命之人。豈待千金。雖數十金。有禍矣。吁。可妄求乎哉。

永康周寶夫。

名文光。

為舉人時。與余南雍會友也。

嘗語余曰。人不但窮通得喪有數。雖一衣一食。亦有數定焉。吾家住縣中。門有小樓。諸生肄業其上。一夕夢一鄉間士友來訪。余乃戴一塵垢冬帽出見。各啜粥兩盃而去。時夏月。且巾而不帽。而吾鄉客至。絕無啜粥者。晨醒。

方與室人。道此夢。遣婢子報云。某舉人在外相訪。已坐學生樓上矣。吾遽披衣起。盥櫛。取所戴馬尾巾。不獲。再三覓之。竟不見。室人偶在架上。拾一舊紵絲帽。乃笑覆吾首。推而出。吾與此友。且笑且訝。乃曰。斯固異矣。然毀粥與否在我。夢其如之何。曰。命庖人必煮肉炊飯。不意此友之兄。繫獄患病。屬其弟邀吾同見縣尹求保放。時尹正欲出外公幹。其兄使人絡繹催請甚急。吾最怕空腹曉行。連呼酒。

飯不能就口。而此友立促。趨起問。諸生有粥在否。乃笑而請曰。此有粥。姑啜之以應夢。何如。吾二人只然各啜兩盂而去。實夫之言如此。吁。一巾帽粥飯。尚有定數。況其他乎。今人爭名於朝。爭利於市。蠅營狗苟。至老死而不知止者。徒自苦耳。何益之有哉。

同年吳維新。名聽。選京師。夢錢江樓中丞。名飯。

維新於孔子家。時錢公為山東副使。維新曰。吾必得兗州屬縣矣。及出榜。乃臨淮知縣。遂

赴任。過臨清。適錢公候

武宗大駕於彼。駐節學宮。維新入謁。遂留飯。正在文廟夾室也。於是追憶前夢。遠符合云。昔人有言。明朝一飯先書籍。由此觀之。雖一年後飯已先定之矣。

東門范藻軒先生

名洪

少英俊。有文學名。父兄輩

以遠大期之。其母一夕夢人報先生中舉。須臾鼓吹旗纛導送一彩幃至其家。懸諸簾上。巾書一兵字。如車輪大。諦視漸縮而小。至如

盤如孟而止。覺以語其夫訓科公。公曰。吾兒  
當必為司馬掌兵政。又一名訓科公亦夢人  
報曰。爾子選官矣。亟趨視榜。見先生名下註  
指揮二字。覺乃曰。文官那有指揮。得非總制  
以指揮三軍之徵邪。又與前兵字夢相合。則  
相與大喜。私識之。其後先生累試不第。竟由  
歲貢選南京兵馬司指揮。至是始知先生之  
官。三十年前已形諸夢。地如此。然則人之官  
爵。可以智力謀哉。或曰。今人每有以智謀得



官者何哉。曰亦命也。雖然。詭遇獲禽。君子不為。

長興臧損齋

名應奎

少時有母舅宦遊閩中。託祈

夢于九鯉湖。用卜一生窮達。其舅特往祈焉。

夢神語曰。正去採絲瓜。忽見赤羊三個。繫在

園中喫草。覺而述其言以復。然真可詳解。湯

不留念久矣。迨正德丙子。損齋偕弟應璧赴

試于杭。俟舟於回回墳旁。有廢圃一區。圃中

有絲水棚。瓜垂垂焉多。損齋湯就而採之。轉

盻間忽見三羊繫藩。毛色皆赤。損齋乃大驚。  
詫呼其弟曰。昔夢云云。今果驗矣。然不知其  
何兆也。是歲損齋中鄉舉。明年試禮闈中式。  
與余為同年。間以語余如此云。

正德丁卯同學王思賢。

名元旦。

夢一官府門牆。

若掛舉人榜者。其第一名乃同學章景。餘不  
能記。榜尾盡官士僧道各色人像。青紅錯雜。  
爛然盈紙。一日語余曰。今科章維賢景中矣。  
具述其夢。余曰。維賢固應中。但解元恐難耳。

其榜尾之像。吾二人亦牽強解之。後府考遺才。凡五學總九十人。而維賢果第一。於時遂有相士畫圖一幅。懸諸榜後。相接無間。昔者之夢。至是驗之。余緣茲二事。每謂臧之中。章之取。固有定數。不必言矣。而瓜之採。羊之繫。與其數之三。色之赤。榜六闕。廐懸掛之處。皆一一前定。無毫髮爽者。此何理也。真有莫可究詰者。吁。異哉。

正德初。蘇商王某。徽人也。年踰三十。未有子。其

姑夫某風鑑甚精言人禍福生死無不奇中。一日見王某愀然語之曰汝至十月當有大難數不可逃奈何。王某素稱其術亟往蘇歛貲而歸。至某處值梅雨水漲不可以舟乃暫寓客肆中。晚露出河濱散步適見一少婦抱一孩投水乃急呼諸漁舟曰能救此者與二十金。諸漁舟競援出之遂如數與金問其故則曰夫貧傭工度日家畜一豕將鬻以償租昨有買者來值夫他出遂自鬻之不意所得

皆假銀也。非惟夫歸簪楚簪亦無以葬生。故謀死耳。某更加悼恤。問承價而倍周之。婦歸遇夫於途。且泣且幸。具告其事。夫疑其言之誰也。乃與婦同詣王某寓所質焉。至則某已闔戶就寢。其夫令婦扣門問何人。曰我投水婦。特來致謝耳。某乃厲聲曰。汝少婦。吾孤客。宵夜豈宜相見。倘有意。明早偕汝夫來一揖。何遲。其夫始悚然曰。吾夫婦同在此。某乃披衣起。方啓戶間。聞室中轟然。回顧之。則磚

壁日久雨而頽正壓臥榻粉碎不然其身當之矣。蓋天所以報之也。比過十月不死乃特造姑夫家。姑夫愕然諦視之。訝曰。汝滿面陰騭紋現。是必曾救幾人命矣。後福未可量也。後果連生十一子。今已九十六。尚康健。其次子王樞商於德清。人熟知其事。余蓋聞諸德清秀才楊其善所言。因特記之。以見陰德之足以回天續命如此。此與輟耕錄載杭相士王鬼眼所斷真州商人事絕相類云。

愚按前紀數條人之貧富貴賤壽夭以至一  
飲一食一作一止皆有定數莫之能違然以  
王某之事觀之則知轉移禍福之機又在於  
人而數所不能囿也蓋數定者天命也感應  
者天心也天以生物為心極誠無妄者也人  
之一念濟人利物發於由衷初無所為而為  
則雖一時一事而精誠之極自可以上格天  
心如響斯應此又理之必然者也數天數也  
天心既格數亦隨之而轉矣焉能囿譬國之

刑賞法制一定不易者也。苟人臣真能以忠誠感動君心，則既謫而召還，臨刑而肆赦，俄頃之間，喜怒頓殊，又何有於不可易哉！推此則知理數相為貞勝，而古今陰德感應之事，昭然不誣矣。

餘姚陳省齋公

名克

為湖廣方伯，嘗語余公初

入學之夕，乃堂夢天降一龍於其家，急呼乃翁取盛稻之桶盛之。至弘治甲子鄉試入場之夕，乃翁又夢一龍降其家，亦急呼乃堂取



稻桶盛之。二夢相隔十七八年。前後一同龍  
固奇物可喜。但不識稻桶為何祥也。是年江  
西楊月湖先生主考。發策以何黃金許相承  
道統為問。省齋公嘗設帳於金華。閱四先生  
家乘最詳。目敷對備悉。楊公閱之大喜。批曰。  
道統一策。足見究心理學。非章句士也。取之。  
至是始知稻桶之夢。其應在此。

溪亭嚴公。謁選銓曹。名次已在知縣推官之列。  
但不知何地。一夕夢其家僮與其兄之僮同。

舟箬音泥相爭。蓋湖人箬以壅桑地者。公急乘一採菱圓木桶浮至其所。各量取泥一半而覺。比出榜。乃袁州府分宜縣也。人間靈夢極多。但道統分宜之事至巧而神。故特記之。或謂事皆由命。則人事可盡廢乎。不然也。凡事固皆前定。而在我所當為者。不可不盡。但不應非理妄為耳。即如死生有命。而凡可以養生而避死者。無不為之。苟徒一切委之於命焉。則命詎不死。雖絕粒亦無妨邪。故聖賢

諄諄以義命二字互相發明。而宋儒以爲人  
事盡。然後可以委之於命。嗚呼。其爲世訓明  
矣。

從兄郁七公堂有燕。將雛。巢忽被毀。俄鄰燕成  
羣。啣泥而入。去來如織。頃刻巢成。明日遂育  
數雛。巢中乃知群燕以事急而助力焉。義哉  
燕也。

姪恂六。偶坐簷下。見一大蜘蛛結網簷畔。又一  
小蜘蛛連其旁。結小網於右。俄大網破損。大

蛛將收其絲於腹中另結焉。絲盡收訖。獨左  
畔一絲。牽連小網。若去之。則小網無所依。必  
毀。乃盤旋梁柱間。若有遲疑籌度之意。良久。  
竟不收而去。夫不忍彼網之毀。寧舍已所有。  
以全之。仁哉蛛也。

姪懷四家有黑白二雌鵝。兩窠相並。各哺數雛。  
越數日。黑鵝死。衆雛失怙焉。其白鵝每晨必  
至其窠。呼雛與已雛同啄園中。晚必領其雛  
至窠。乃去。似有恤孤之仁。有念同類之義。仁

義哉是鵝也

余少時見對門芮家甚貧畜一犬惟醃糠粃與  
臭穢耳隔壁姬客店有二犬犬半中殘粥冷  
飯常有剩餘二家所限僅一竹籬且多空竇  
穿過特易姬犬或向籬邊低聲搖尾若有招  
呼之狀而芮犬蟠曲臥地上但略昂首而已  
竟不過食其餘余每見而異之吁觀此四物  
苟人而不仁不義貪饕無恥則禽獸豈不  
若也何以為人哉

見聞紀訓卷下終

右訓迺棟塘陳翁所輯。其事挾其詞  
顯不惟善惡報應往蹟昭然抑人生  
有定數雖私智詭謀莫挽萬一者亦  
歷々可驗。繹斯訓也。真可以達義命。  
息妄想而終身當舍熾徑而就坦途  
矣。其有裨于世教豈淺哉。余甚善  
是編而尤慮原鋟之或敝也。故并采  
董漢陽先生雜存六事重付之梓以

永其傳焉 告

萬曆丙子夏六月後學雲間葉日新

謹跋



跋見閩紀訓後

夫解絲釋蘭則恢譎微之或捷於  
莊語懼冥懲凶則巫兒佛媼或效于  
司敗故聖王立稗官取夫巷語之  
有益者志之以翼詩書而佐治道嗣  
後雜說雲興各有可採譬之榛棘  
勿剪亦足資長林之鬱然及誕者

為之惟逞詭異。雌黃失真。不顧世  
教。直屈瓠尔。奚足多乎。是書編于  
赫塘陳氏。亦稗官者流。所載多士  
大夫章言。熒行。余間一寓目。見其  
事覈而少質。無脩隙。無齟訛。埒于聖  
王之旨。庶得麤。痛近世瑣綴唐已  
之類。遠遜矣。間有謂其區。穢祥。

之說。若按虞伯齊語之遺。而要之  
志在風勸。君子不廢也。觀者勿以  
奮慕畧焉。板梓于桑父學奉常。徐  
君琳復指倖翻之。奉常清蔚韶令。  
能却鮮車怒馬時。過從僕筆伊  
吾玄談相勗。因衰趨于居。賄之急  
難。如恐不及。橐中每高絳長物所

謂仁心為質者以耶。此亡論。度越  
三吳膏腴。即僕然。亦未敢為行觀。  
是舉。只知梗槩也。

萬曆己卯孟夏晦日。兵部武選清  
史司主事馮時可書于獨樹軒。